



原件短

缺卷3-7

紀効新書卷之八

行營篇第八

行營已于場操練其槩但征調赴敵此實境也大同小異不能以場操盡之仍當再詳于行營凡場操已備者茲不重場操行此所謂實境故次之以行營



練啓行解將領將自己及家丁與各兵行李

什物軍火器具時時備辦常如將行之狀

聽卒然報警主將示以出征之期一面誓

師旅擇日出示至期集于教場主將備白

鷄酒品誓文于臺上擺設祭畢用劊子手

割鷄將血漬于酒瓶內先主將說誓曰功賞不公旗鼓不嚴妄殺私財偏于所喜不同甘苦不以赤心報國者有如此血飲訖次把總跪捧觴誓曰若不身先士卒不公功罪不實心向敵不救本管將領搶財爭級妄殺平人故縱賊逃有如此血飲訖即遞保營將甘結哨官誓但改云不救本管頭目餘句同次旗總次隊長同次兵每一旗三隊下三十三人爲一起舉觴誓曰人

衆不齊心見賊不用命搶財爭級妄殺殃民退縮縱賊拋棄隊長頭目有如此血即將各保結照式每一起于說誓畢即轉身遞上一旗內兵完又一旗遞完衆謝主將主將又備將忠義激烈人情所切詞語再曉諭一番曰爾各兵聽知此結狀我已收在官出門臨陣決依此以行軍法不要毀恣再將欲到地方禁戢奸淫生事臨陣貪財爭級賊情戰噐用稱比等及練膽內

紀效新書
行營卷八
二
摘要緊條款反覆陳說務各知曉而止則
各兵一時鼓奮恨不即刻見賊此未出門
而已有勝筭矣
結狀式

叅遊某某等今當神前實保領過主將前去
上陣並不敢生心退縮不相救護違令拋
棄踈失主將各甘死償命

把總某某等今當神前實保領過本管將官
前去上陣並不敢生心退縮不相救護違
令拋棄踈失本將各甘死償命

哨官某某等今當神前實保領過本管把總
前去上陣並不敢生心退縮不相救護違
令拋棄踈失本管各甘死償命

旗總某某等今當神前實保領過本管哨官
前去上陣並不敢生心退縮不相救護違
令拋棄踈失本管各甘死償命

隊總某某等今當神前實保領過本管旗總
前去上陣並不敢生心退縮不相救護違
令拋棄踈失本管各甘死償命

其隊下兵某某等今當神前實保領過本管
隊總前去上陣並不敢生心退縮不相救
護違令拋棄疎失本管各甘死償命

詳啓行至期主將轅門前掌頭號喇叭各將
門首俱掌頭號各官軍做飯喫中軍官將
塘報預夜派定人持小黃旗一面各弓矢
一副腰刀一口于未掌號之先預行喫飯
收拾停當俟掌頭號俱到主將門首取齊
請定若干步為一塘聽金邊鳴自主將寓

所起為一塘行足步數留二人為二塘挨
次存留至塘報人盡為止各且坐息專候
兵行挨塘傳去俱行兵止挨塘傳去俱止
乃自主將面前為第一塘起若有樹木入
家轉曲不見臨賊將近前一塘必回見後
一塘兩旗相應訖方過平處互相瞭應再
均步行哨見賊急將旗搖摩不用週身摩
而不止緩則只是點旗賊勢衆大圍摩週
身如前無路可行水澤窄狹則口傳一層

如此各層照前一時俱如此傳賊來一層退至一層如賊不來復又立定如賊再追一層又退一層只退至營前止斷不許摩旗之後不論賊之追不追來一齊擁衆徑回必以軍法示衆掌二號各官軍出在空地劄營將完掌三號主將出至劄營所在以下馬爲始分投委官于總路專拏後期者網打一百截耳有故者令從征有功免無功仍補網打各偏裨俱聽主將認旗摩


動俱到主將前會約今日所行向往賊情緩急分路事宜畢打鑼坐地休息少頃掌號一通吹唢囉站起舉號砲三聲吶喊三聲用八方門角旗一副立四門于前從吉方點鼓發行單日左伍執器右伍挑行李雙日右伍執器左伍挑行李倘有賊近行營或首或尾或自中突出將行李棄于地下各火兵看守即將對伍代執之器取過手中便遵號令對敵中軍若遠不必候中

軍號令照遇卒警令行決不可將兵器網束甚至沿途拿人扛擡有被賊裝作土人將軍器扛竄入窠而衆兵盡爲所戮者戰勝畢即擇地下方營休息整伍樵汲再聽令路狹挨次每一營鴛鴦陣雙人行每十里舉號砲一聲即于脚下立定鳴鑼坐息一二刻若賊在三十里外凡經險阻塘報傳來請兵過險報訖先發中軍家丁精兵馳赴險處理伏訖舉號砲一聲點鼓兵士

過險凡行營中軍別委的當知教官一員與前哨同行給五方旗一副招搖一副有事方開四樹木開青旗阻水澤開黑旗阻兵馬開白旗阻山險開黃旗阻烟火開紅旗過所見之物即捲凡招搖如道可一路行立一面二路平行立二面三路平行立三面四路平行立四面擡營行立五面後隊遞相口傳前路樹某色旗某色招中軍即舉變營號砲及隄備號令


圖營行路二變路一

前路寬一丈立招搖二是該兩路行營則
每路一駕為陣是二駕為陣平行



圖營行路三變路二

行 前路約寬一丈之外立招搖三是三駕為陣平



前路約寬二丈立招搖四是四鴛鴦隊平行

三路變四路行營圖

前 左 後 右

中

以上凡謂路者不是平時人行之路必有此闊也但路左右乾燥可以着脚而過俱是路內步數也宜通變之

行暗營解不用金鼓之聲旗招之色有後開物件傳到即照令行止凡傳某物自起處傳來必親到行營主將手中登記明白仍傳回原人收候查考如自主將發者仍傳交主將收查

行營要止傳草木枝

行營要坐傳石塊

行營要緩行傳長棍

行營要急趨傳貫耳小箭

紀文類書
行營要收拾備戰或賊不遠或防伏賊傳
長令箭即便於脚下立定每司爲一營捨
擇地勢照給過原操令書內營陣立定聽
候每總爲一處不許相連又要相應

選鋒解平時操練既不惜先陰於無事且所
習非所用倉皇于有事之際又復立名選
鋒每哨隊抽其強愿者湊合而發蓋知兵
無選鋒之慮獨忘臨敵易將之危人心忽
更所屬行伍分離上下易置已難責成至

於功不能成則是授以藉口之柄此其所
以積兵徒久而烏合如初也今當但遇調
遣不必分其強弱止將所部官職名書牌
調發彼既任教練之責於平時而臨敵失
律必無詞以他諉既知其終於自任平時
必然殫心力於教練鼓舞矣况選鋒之說
蓋選於無警之日非選於對壘之秋一營
之內未常盡強而無弱兵家亦未常棄弱
而不用惟以全部調發則練兵志堅當兵

心一遇敵庶可以收齊勇之効

請火器凡缺欠軍火器械出征前三日請給
完足急行亦於前一日不許臨敵假稱放
盡討索又不許匿無爲有通以畏避論
定報事前哨差清道官役給與清道藍旗令
旗令箭凡遇大小事務俱要差人傳報中
軍遇有應該迎候稟事人負及各處差來
賫送緊急公文之人審是差人只送認旗
下聽令自有人承報不許面于主將處回
覆如有可疑之人送中軍研審各哨官以
上亦許將自己認旗立在信地以一人守
定凡本官向往說與守旗人知之凡屬下
一應人等要來稟白公私事情只于認旗
下尋守旗之人代爲尋白候示其差人并
所屬官軍不許離營以尋訪本將總稟白
爲名違者通治以法

傳號令正行之間一營行亦十餘里長金鼓
且不聞非接傳如何得到非回覆如何得

真凡有言語傳報不拘自何處起務要簡
約一二句俱旗總傳聲一旗挨一旗不許
越過或自前傳後或自後傳前或自中傳
前後凡傳到之處仍傳回云知道了挨傳
原發處止如有失接傳報者挨查到絕處
上一旗總說傳過某語下一旗總說不知
者即係不傳之人若因而悞事臨時軍法
示衆

清行伍途間行營隊伍務要明白清肅但有
行列不齊攙前越後疎密不一斷絕不湊
行走錯亂擅離隊伍點鼓不行聞金不止
按旗不伏舉旗不興開旗不接得令不傳
傳令不明道路擠搯言語喧嘩者俱治以
軍法臨敵悉斬之

禁將領凡行營之時將官不許離營先行亦
不許在營尾後行遇警之時應進應止下
營對敵俱聽在營主將號令各軍務要湊
合主將方才下營如聞報而把總軍士自

在尾後輒便下營及將官輒帶家丁離營假稱先鋒者并將官一體俱以軍法從事各隊長在前領隊各旗總在後押隊凡路上行走有違軍律責成重在旗總

防解手凡行途有解手官軍下道之時該管隊內即以一人在傍守之俟畢追趕入原伍遲五里不至者貫耳示衆

收病之凡軍行遇有病兵乏馬不能前行登時稟到主將給與信票聽差人押送近地

城廓府衛州縣營寨所堡巡司調理同時病者多于親識隊內留二三名不等病者少留一名隨去看侍湯藥病痊即遣赴本營該地方先具痊疴結狀申查如病痊而不赴軍行所在者以後期論若有死于行軍所者本隊伍掘墓瘞之仍立標記將領率頭目以隨帶飲食莫之違者以故棄論事後再取回

謹途遺凡軍行在途遺落器械什物見者許

即收帶至止宿處送中軍招人認領失物
得物之人照格賞罰隱匿不報者治罪亦
不許私相授受

渡水阻凡渡大水處先下方營近水塘報于
四遠高處瞭無伏賊即非賊境亦下營後
渡依次以一哨照法渡之渡過一旗即劄
成一旗之陣軍火器械整列完備火繩火
器安置得法即如賊在面前就要戰殺一
般然後鳴鑼坐地休息等候一哨過完劄

成哨陣一司過完劄成一營過完劄
成大營則一營方聽令而行以後照此如
塘馬倏然報警即不必渡各于兩岸候戰
爭船喧嘩不循行序擠衆競先第一要禁
惟哨隊挨次而渡一人不致攙先越後自
然不喧自然無爭平時細打臨敵軍法從
事連坐所管

辨分兵分兵數道臨發時務要會定記號晝
辨旗幟夜辨火號

過山林臨賊遇阻澤深林大山不可擅過須
據形勢一面搜索一面稟覆中軍聽令再行
遇卒警南方山水林木蒼翳縈紆則得因地
形措陣因敵情異用因兵情轉化無一定
之習安有一定之陣哉况兵列既長卒然
之變出於意外豈能候中軍號令倘塘報
失瞭如賊自行營腰間或前後突出不及
下營者把總哨官皆得自主號令即用急
營凡同行營司俱聽遇賊把司之令即如
中軍號令一般就于所行之地設伏後營
兵一面在遠處據險阻安營壁管各火兵
做飯備守

逢怪異軍行見奇禽異獸神鬼怪物入營壘
及捕獲者當時報主將不告而輒傳揚聚
衆譴呼者並照臨陣軍法

嚴哨法凡行營取探不的風聞欺詐瞭報失
真漏遺伏賊因而悞事者登時斬傳調官
軍遲延後期者罪減一等亦處以死

密軍機凡塘報及官兵有聞賊中消息不許
中途邀截問荅徑自閉口速赴主將處陳
說許宣於衆者方可與把總等官說若未
見主將之先敢於中途因人問起即便說
出但有一人先知在主將之前定以泄漏
軍機問者荅者皆坐軍法就是本管總哨
夥伴問也不許先泄又或有已經稟知主
將之後蒙分付不許傳說者到底不許再
泄敢有固行要問者許原人稟來一體重

治

練負重凡啟行各須披甲戴盔執器械庶機
臨敵體輕若路遠天熱得令方許更便

備乾炒平時每一兵將米二升炒黃一升研
爲細末一升另包麥麵一升五合以五合
用香油作餅蒸熟五合用好燒酒浸晒乾
再浸以不入爲度研爲麵另包五合用鹽
醋浸晒亦以不入爲度研爲末另包行軍
之際非被賊圍困至緊不許用出兵隨行

忘帶者如失軍器同

住宿解所至地方如係安野營另載野營款
下如當入人家安插各兵到于城外或村
內空所前哨第一旗總傳報云已到某處
某城外了旗總挨傳回來主將傳云如何
劄營仍挨傳到前哨第一旗總仍傳回云
知道了各官兵每一營為一路一字劄定
每一營兵到齊把總放砲一箇打鑼坐地
休息俟有若干司營到完主將吹單唵囉
各哨官隊總起身執旗同火兵進城或入
村尋討歇家每一隊務在一家安歇時刻
不許相離別生事端互相覺察若一家難
容即分間壁中有衙門士大夫等家相間
者即間一段一隊人完然後再安插一隊
不許攙越如不隨本隊住者隊長與各兵
以軍法治之一哨在一街本哨官隨之一
司在一隅本把總隨之一營在一面營將
隨之本營各部不許相混本部各司不許

相混本司各哨不許相混本旗各隊不許相混將旗插在各家門首出城稟云歇家討完然後吹雙唢囉起身聽放砲三箇吹喇叭吶喊三聲點鼓挨營而入大小將領于各兵所歇信地適中街面露坐待各項官軍都到人家門首立定聽放砲一箇沿街傳鑼各軍俱進人家安歇大小將領方進人家即主將亦如此若未尋歇家而軍敢先行及已到門首未奉軍令而先入者拿出綑打八十同伍之人連坐將官先入者以違令論將官歇家一面先尋討已定只是不入耳

撥巡視凡軍馬行止宿食去處定委巡視官生旗手但有干犯軍令即便指實呈報不許隱匿及因而需索詐騙故縱生事者各依法究治遇有事犯不行稟治別有發覺者巡視官旗同罪

辨奸細凡各處退兵俱有文武衙門執照票

多散在民間不復可收平時及行軍劄野營之際奸徒執此票文口稱來投別生變詐毋問真偽俱以奸細論即縛手送中軍查審定奪

防貿易軍行所至地方須用糧折工食白銀兩平交買寧讓毫釐使市人心悅不日諸貨益集物價自賤不止于毫釐便益也

中軍令凡師行動人一草一木擅離隊伍攬越行次互相鬪毆恣行詐偽姦淫婦女俱

以軍法處治報賊情失實者斬搶掠民財者斬掩殺撫民者斬違錯軍令者斬臨陣退縮者斬妄殺平人者斬虛報功級者斬殺匿被擄子女者斬互爭首功者斬該管人員分別輕重連坐甚者與正犯同斬

撥夜巡止宿處所每司輪撥兵一旗哨官一員各巡夜其本夜內驚恐火燭奸細之變俱罪坐巡夜官兵其把總不時親自密查

陸兵舟行解

練啟行中軍放砲一箇播鼓升行旗大吹打
畢掌號笛各官旗赴中軍聽發放本日所
行所止之意畢散回聽號砲三聲喇叭吹
天鷲聲吶喊三點鼓豎何旗色照旗色相
同應行之營亦點鼓開船務照營次若行
間遇中軍放大砲一箇晝摩旗夜車雙燈
即便駐船照營泊齊圍住中軍聽令

分營紮到止宿去處前行之營舉號砲三聲
鳴金落旗每司約去一箭之遠為一紮一
體落旗舉號砲一聲播鼓升旗聽掌號笛
發放若不升旗各官自有緊急事者赴中
軍稟事無事者謹守信地訓齊兵伍若有
更令仍差巡視旗口傳或有令票不在此
內日晚聽中軍放砲三箇打閉門鼓畢俟
播鼓各營照中軍一體聚巡夜人在把總
船邊跪下發放同陸操

明更鼓聽定更喇叭一聲凡把總處支更其
每船一隻內不分大小輪議五人每更一

名在船頭執竹柳支更每打鼓一次打柳
一遍天明各赴本管回話

撥防護中軍官每日輪撥一哨赴主將執器
械隨轎馬舟師進止擺圍于後夜則以此
哨巡夜每輪旗牌等官一員提更

紀効新書卷之九

劄野營篇第九

野外屯劄對壘列營畫地而守於前樵蘓以繼於後夜防警襲晝結營陣其役也勞其事也險使吾士氣常銳戰守無舉吁豈易哉此野營外扎對壘之實境也故次之以野營

劄野營解凡軍行至午炊過再行時同行營
司內各遣熟知營穀官一員同前哨行至
未時主將擇堪屯營地方馳高熟視必山
水可據之處如無山則在平野必進退便
利之處水草方便形勢可觀者立中軍旗

藩預筭同行兵數相地當為幾營每營合若干步鳴金邊發立表旗表旗定聽舉號砲一聲吹擺隊伍喇叭表旗摩動各兵照旗蟻附下營營定金鳴喇叭止如去賊遠只以拒馬蒺藜為營中軍立主將帳房遇晚燃燈伏路等項俱如常操號令樵汲時馬軍三馬內以二人牽一馬出採三馬之草同樵汲令收回日逐輪流若近賊地方或係境外或當疑地應立木城度夜須待

塘報四高瞭望無事將旗三摩三捲不再開以子壁守營四面兵聽舉號砲一聲立黃旗擂鼓俱分投向有竹木山林採取每人立木二株粗三寸不等長八九尺皆可橫木一株稍細長一丈上下又竹一株如竹多木少則用竹代木木多竹少只以竹為蓮化簽及柵外地釘如無竹以硬木削尖為釘以細軟木削尖為蓮花簽以軟草為繩縛柵再舉號砲一聲摩黃旗收回俱

單人身挨每人分地一尺立二木相接為城完再照前發兵每隊一半每名取小木一根稻草一束一半收木草初搭窩舖每穴一間用草苫蓋及墊地便于坐卧吹打開營門放樵汲飲馬等項一如塲操號令若出多入少非被傷捕必係逃走或有暴病該營司遣的當丁塘領令箭出營覓之若出少入多非係錯數必夾來奸細該管便當挨查子營示樹柵候外圍採完營定只採窩舖竹木每人帶採中軍所用木一株立小樓一座以便瞭望每把總將餘木亦各搭一小瞭樓于營四角可容四五人限蔬水每日五更盡搗鼓已畢聽掌第一號各起梳洗聽掌第二號各兵通赴木城邊各築鎗立定作守城之勢各營把門人役赴中軍報守門無事訖聽大吹打開營門照塲操號令放汲其汲者限一刻照塲操號令收回入城市蔬菜等項者分別市井

紀效新書
軍營卷九
遠近限定時辰到營外取齊照場操號令
收進遲進及後出者罰每隊二名以上隊
長同責各隊俱有者旗總同責照連坐例
申時放汲一次號令俱同凡地方市賣之
人許于營外三百步內聚為一處札成街
道委巡視官旗二名監守在彼聽軍士依
令放出買辦飲食如有短價生事者即時
拿赴營內處治倍追給主仍貫耳遊營巡
視官有犯加等

定樵採除暫時下營及初立營時舉樵採一
次以後每間一日一次於晨飯後正巳時
聽中軍掌號一盪照場操號令每隊以一
伍守營一伍出營限一箇時辰俱到營外
候齊稟赴中軍掌號二盪仍各赴木城邊
擊鎗如前方開四門放進查發如場操例
撥伏路以各營司所向之方為信地每面撥
伏路兵五名為一伏每伏半里每路五伏
或一路二路三路每伏給銃三火箭六火

繩二每一晝夜換班一次俱辰飯畢將應出之人赴中軍領令箭赴彼該回之人見面交代赴中軍銷報伏路者日則辨驗往來真偽盤結奸細遇有各衙門營塞公差人役欲赴本營者晝以一人伴至營門稟白夜則一人陪送到營二十步外止住先許陪來兵高聲說差人來歷守門人即與稟赴中軍聽令進止

禁喧動凡報警言至各肅靜守信地木城閉聽令發兵如有喧言亂走者軍法重治

過人畜行營之間行伍之內與剗定營後營盤四面不拘晝夜但有牲畜近營牆外者不許輕易差人出外牽取先報營將聽營將差塘健親兵領令箭由門放出取進有人徑至牆外漸漸近前者喝令遠避如係公差人員喝令到門上候稟但報營外有人一面嚴行整備以待若干步之內喝之不退又不報姓名及言語不對者夜間即

開矢及發鳥銃射之日間差二人請令由門出縛來送營將報主將發落

放廁所無賊處遠在營外百步間每一面總開大厠坑二口營內每一旗于隊後開小坑一口凡白日登厠員役由各營門將腰牌懸于門上方准開門而出回營到門將腰牌對認明白方許放入夜則大小解俱于營內小厠坑不許放一人出門天明吹打時遇起行則埋之遇久住則打掃送出

營外坑內遇賊近或對壘晝夜皆在營內

辨巡箭遇夜另有巡箭主將發去不拘何處起凡箭過不許出聲只于守更之人身上敲一下失誤傳接者軍法處治合營內兵足三營即輪將官一員總巡每營輪把總一員巡本營每司輪哨官一員巡本司每哨輪旗總一人巡本哨每旗輪隊長一名巡本旗巡法嚴于三更四更五更

重夜令與賊對壘之時更舖失候夜巡失號

止宿他火者斬無故叫呼奔走妄言賊至
及驚營者斬即賊來攻將士輒呼動者斬
下暗營照營陣篇條約號令

明再發五更三點掌號一通先發塘報出門
照行營例各軍舉爨發擂畢掌二號落號
燈各營司燈火俱滅天色微明放砲陞旗
吹打畢各兵赴各營司處回話營司赴主
將處回話夜巡無事如有事云某處驚營
失火絕更有警之類回話訖掌號收伏路

兵掌號笛聚官旗發放或不吹號笛用認
旗招聚發放指授畢認旗一麾俱散回原
伍掌三號舉號砲一聲吹唢囉起身舉開
營砲三箇吹天鷲聲三吶喊三點鼓開營
起行約道途寬窄即請幾路行立旗招舉
號砲皆如其數

紀效新書卷之十

實戰篇第十

闔眾如闔寡刑名是也故萬人一心刑名之効苟士不悉吾令而徒以手足為強者又其次也執捷之夫可捷堅利刑名定也到此則盡是實境矣故次之以實戰

戒銃手夫銃手善能打賊使狂勢少挫以助殺手之膽殺手膽壯殺得賊敗自可保銃手之命即各藝雖有不同均為彼此救護保全何況掙立功名通是大家受用臨時擊射不如法故意高向低向歪向畏懼顛

搖後顧者斬交鋒時許殺手隊總并本管
隊總先截去一耳回兵查處若有把總在
近就送斬首各鳥銃隊長兵凡一列開就
將身後係某旗隊即行問記鳥銃陣亡所
配相對在後殺手償命凡戰獲首級每十
顆中以二給鳥銃射手無殺器者

懲虛銃凡鎗銃等手遇賊在遠時因我膽怯
每于數百步外鉛子所不到處大小銃砲
只管浪發或賊本少我銃盡發既打不到

他又可惜火藥氣力及至賊近與擁衆衝
來却稱火藥鉛子用盡束手送死而已今
遇賊來不論遠近只聽中軍號砲一舉吹
天鷲聲銃手放銃依令分為幾層輪班點
放着正平平對賊擊射若賊成宗來每人
只指定賊宗當中一賊打不聞中軍號砲
嚮不吹天鷲聲便賊進營裏來也不許放
銃先發者便一銃打死二賊亦不准功必以
軍法斬首平時火器收惜不如法臨陣致

藥濕線濕或不及燃或終不燃或不能燃
發者俱以軍法斬首把總以下知而不舉
及姑息不治者連坐因而悞事者一體斬首
申連坐緣臨陣不尚節制以故進前者徒死
而無賞雖欲賞之無處查考退後者倖生
而無罰雖欲罰之亦無處查考也今定有
節制取有甘結矣如此看之所殺不過三
五人似與爾衆人無干還可退走也爾不
曾細思此法一行便是萬兵一時進前

退後都有查考所殺幾箇人任爾若干萬
人都退不得且如一司人齊退必殺把總
把總但見他一司人退時他決不退若是
他不退一箇孤身能敵幾賊必被賊殺了
將他管下哨官都殺了償把總之命哨官
見把總不退就守着把總但見一哨人退
時他決不退若是他不退必被賊殺了只
將他管下旗總都殺了償哨官之命旗總
見哨官不退怕殺了哨官但見一旗人退

時他決不退若是他不退必被賊殺了只
將他管下隊長都殺了償旗總之命隊總
見旗總不退恐怕賊殺了旗總但見一隊
之人退時他決不退若是他不退必被賊
殺了只將他管下一隊兵都殺了隊兵見
隊長站住都守着隊長不敢退却是爾若
千萬衆個個有干繫這把軍令刀到得個
個人頸上那個人得以躲閃爾等臨一兩陣
便自知之每隊下一伍內一人當先四人不

救致令陣亡者四人俱斬亡一人斬賊一級
通免殺以級恤亡者之家如亡一人得賊
二級一級恤亡一級衆分再多恤止二級餘
俱衆分以至陣亡隊長旗總哨官把總將
領俱如此例但亡隊長必得賊隊長之級
亡旗總哨官把總必得賊如旗哨把總之
級乃可抵贖若全勝賊已盡殺或陣亡部
下首功甚多亦不必拘定所殺是否對等
之人通免連坐照功擬賞又在臨時定奪

申戰穀凡列陣須一息而定列時勿使敵知
尤妙敵不知則用暗令列陣敵知則用明
令列陣列畢火器在先搯陣而前或寇來
衝我或列陣待我俟到五十步內火器聽
令齊發只有一次次看起火各射火箭弓
箭且行且射兵士乘火烟如雲一齊擁進
須是飛走毋亂隊伍蜂叢蟻附如山崩如
墻堵不可毫髮遲疑無有不勝此非擊殺
之力乃火烟之勢飛進之雄奪其心目徑

前交鋒彼自靡矣兵法謂勢險節短始如
處女敵人開戶終如脫兔敵不及拒不其
然乎自來兵見賊列陣一完便如此飛跑
向前衝去口中喊聲不絕中途決不任脚
認是何等強賊未有不敗者若賊見我兵
方在列陣一擁先來我兵未有不奪氣者
凡趨戰時正跑間間有跌倒一二或器械
所累或脚步遲緩或一時發沙昏暈或為
矢石鉛子所中未必喪命便是父子兄弟

且不必回顧健者只是跑向前殺敗了賊
回兵從容收拾調理必可保全性命若不
奮心向前且顧跌倒的稍致遲延使賊又
舉銃一輪所傷愈多被賊衝來大勢一敗
不惟畢竟救不出傷倒之兵且拜健者亡
之矣此萬萬急要一着蓋賊雖亦有鳥銃
惟一跑向前不過一二發跑到身邊短器
相接銃無所用矣若與賊各立定對打傷
多氣奪再進不得也

責救應凡當先者一隊被圍本旗各隊不救
一旗被圍別旗不救一哨被圍別哨不救
致令陷失者俱以軍法照所失隊旗哨把
斬其不救隊旗哨把

恤陣亡凡亡一人本甲無賊級者各扣工食
一月給亡者之家優恤失隊長扣一隊失
旗總扣一旗失哨官扣一哨獲功合前例
其所失通免究亦不扣工食亡兵亡官官
為給銀優恤各管下應斬首正犯不扣應

軍法網打者又罰其工食非止于罰工食而免也凡所謂恤其家者不止于罰工食以恤之仍有題

秦廕子世襲之恤也

棄背傷若大陣敗走被賊殺死官兵傷在背後者還以敗事論并不優恤

齊士心殺賊只是萬人一心強者不得先進弱者不得退後如臨陣敢有一人非令先進即斬賊首得賊馬而還亦以違令軍法

從事

公賊貨戰間賊遺財寶金銀布帛器械之類

此誘我兵爭搶彼得乘機衝殺往往墮其套中今後臨陣遇有財帛聽派定取功兵收拾看守待戰勝收兵查明均賞兵士將領不得輒取如有隱匿尅留及後進次到渾賴者雖有功俱以軍法處若正戰時賊忽丟棄財貨正是將敗之際或誘我貪取彼得乘機逃走甚至乘機殺來反得勝我

即首級誘我爭奪賊得乘機敗我亦是前
計除不取首級已有禁令若見財帛徑行
埋弃勝負只在毫髮間各兵務要加力百
倍益行奮勇前進務使賊敗盡滅他的頭
也是我袖中之物那一件賊物不是我的
如違令圖財爭級致兵陷沒或賊衝突得
脫搶財物之兵不分首從與總哨官俱以
軍法斬

原軍法凡臨陣退縮許隊長割兵耳旗總割
隊長耳哨官割旗總耳哨官徑將隊兵斬
首把總徑將哨官斬首若各故縱明視退
縮不肯割斬者罪坐不肯割斬之人

罰故避但有詐病故將軍器馬匹損壞及預
先損失而臨陣方舉希圖免戰者斬首示
衆仍查治本管旗隊人役

禁私讐將卒有私讐至臨陣互相報復者軍
法從事

處水陷凡軍前有水陷我則據高以待之候

賊至陷中即擊若賊不來則設伏退軍誘之

經山谷凡有山谷處遇戰必先設伏佯兵誘之入伏攻之

死旗鼓凡失旗鼓旌節者全隊斬或為賊所取者亦全隊斬有功准贖

失戰馬臨陣失馬者斬力戰而馬被傷殺者不坐

整追兵凡戰勝追賊約一里遠則聽擗鼓嚮

收軍整隊恐賊窮返鬪軍亂難整此令俱出于同戰將領為主者不必稟中軍以其去遠不相聞也俟稍整又擂鼓追逐一面分遣騎兵各處山頭林木都要留人搜瞭恐賊埋伏佯敗從來南倭北虜故智如此果係大敗亦即長驅不許乘此縱賊得脫雖有前功不敘

分零功凡雕剿零剿俱不開世襲紀錄只作賞聽各下手之人自報不必均論亦無衝

紀文彙書
賞典卷七
九
鋒之賞若報功已完又復報有斬獲者非
趕散零賊必有不明斷然不准驗係真正
亦只報賞

保陣降凡當陣之時賊方迎鋒而來若係被
擄驅之前向者今給每哨降旗二面遠遠
共呼丟了鎗刀不殺若係丟了鎗刀者令
徑往白旗下聽委官收護戰畢開數報驗
資送還家每收降人一口委官入役賞銀
五錢若官兵妄殺一級定將下手之人償
命各相近隊伍頭目不行舉首者處治若
聞呼不降徑持鎗刀前來者聽于陣上殺
之仍同賊級錄功

刑俘姦臨陣追獲賊婦未奉明文配賞而姦
淫者以軍法論比年有此事犯者曰此
婦被賊擄去為夷狄妻奴今某無知收留
尚是中國一處人余曾折之曰他是賊你
也是賊耶無言可對斬之

慎妄殺爾聞釋家云救人一命勝造七級浮

屠者造塔也地獄輪迴之論變做生畜償他冤債天道好還鬼神報應不爽且爾要掙得功來紀錄世襲子孫輩輩受用賞賜銀子又係百姓膏脂百姓不幸被賊擄掠復得到中國或一時被賊趕散室家分離人人可憐之時便是達子倭子見中國人跪告哀憐亦且慈悲放了多少爾我是中國一類人

朝廷設來保障百姓今百姓在危地反殺其首

級冒功與子孫受用此等無天理之人天

決不宥今後戰賊既敗所獲子女人口即

是真賊不許殺取首級只將生口送官聽

官審處論功給賞若戰後殺取降人并中

國婦女報功者不獨紀功官不准主將臨

敵時面見鮮血猶存驗有前弊查真動手

提級來報之人即時斬首償命雖夙有功

者不宥此一節萬萬叮嚀凡我將士務要

痛改

戰後五冊

報戰傷凡遇戰畢收兵到營時一面各營將督據把司即開戰傷者為一手本先遞凡弓箭傷係致命處為一等雖重不開超等被中三箭以上雖輕亦開一等中二箭者雖輕不開三等凡射在手足間者為二等箭入不深再輕者為三等再輕者為四等止其刀傷當面者為超等傷手足重者為一等輕者為二等三等止凡箭刀傷俱在

背後者不准亦不給醫藥若賊衆四面圍砍我軍在中應敵者雖背傷亦准作等數須取營將及臨陣將官該管總司哨官畫字于手本末若衆軍同敗一齊奔走而傷者不論面前背後俱不准恤即不必開報若有幾人能于衆人敗走之中復回身對敵阻賊回者即無傷俱開頭等凡傷者原合一二三四等例俱各進一等開報超等者開報超超等

報陣亡凡亡者另開手本某人傷某處須面
前傷乃坐同隊伍償命之罪傷在背後死
者不恤亦不連坐同隊伍若隊伍畏連坐
以面前傷開為背後或將亡者死後砍其
背希免連坐者手本到必要覆驗定將主
謀下手之人斬示前後俱有傷者只以前
傷准陣亡功疑惟重也若衆敗而亡者不
恤當開坐退縮被殺

報功級凡首級另開手本某哨共斬若干衝

鋒某人某人派定斬級兵某人某人聽主
將照前例均派願紀錄者約自己該銀若
干衆人分銀若干除本身一分不領外仍
照數出銀與應賞者務足一級之數首功
聽本人紀錄

報人口凡獲生另開手本以憑發主獲者照
數償銀

報軍器凡賊器另開手本解官貯庫

報馬匹凡賊馬另開手本以憑議賞衝鋒之

軍并有功人員

紀效新書卷之十一

膽氣篇第十一

人生雖殊地兵中雖多術而膽具于身理具于

心統乎氣氣當乎用則未嘗不同澄之使清激之使濁齊強弱為一人

合萬人為一心將之道也或謂夷虜易強誰則一之殊不知彼有劫掠之

利人自為戰耳試羣老稚百十于前以金錢擲地恣其自取孰不爭先若

并歸我握中又孰不卻步夫我軍為

國家役即捨身而任捍禦不啻秦人視越所持

朝廷秦養國家法紀而已以法紀齊其心以秦養

驅其眾理勢難同作用自異練膽氣乃練之本也一切號令最為簡明今

當刊給長宵清晝每隊聚一處識字者讀不識者從識者誦說務要純熟元臨操對敵奉之以馳毋爽讀記之後值此校時一條不記責一下若各兵犯小過當懲責者能記五條免一下以是為差漸誘之入而不厭其多矣故次之以膽氣

膽氣解夫人有此身先有此心氣發于外根之于心故出諸心者為真氣格于物而發者為客氣練心則氣自壯孟子曰我善養吾浩然之氣養心也又曰志一則動氣氣一則動志今夫蹶者趨者是氣也而反動

其心是心者內氣也氣者外心也故出諸心者為真氣則出于氣者為真勇矣是故走陣於場習藝于師召耳目以金鼓齊勇怯以刑名皆兵中之一事如人之五官十指四肢百骸皮毛鬚眉齒甲之屬頤一寸一毫不可少損而世亦有禿者聾者聾者痿者啞者少手指跛足者及帶瘡癩之類固非完人矣亦未害其為人亦與大命無干何也不足為致命處也即如三軍之政

行伍號令旗鼓技藝之數少一件固不足
以爲萬全之師少一件亦未必不能爲一
戰之勝故大勢所係在氣而內屬乎心心
之所係則神明之感自然之應也故誅一
人而千萬人順誅心也賞一人而千萬人
奮賞心也不怒而威豈斧鉞之力哉不言
而信豈金帛之惠哉視死如歸得其心也
視敵如讐心之同也苟不求于心而務求
于氣誠以北方之兵驍悍勁猛氣孰尚焉
往年徵役於吳一敗而不可復振蓋其所
發爲勇者乃在外之浮氣非真氣之根於
心也氣根於心則百敗不可挫天下莫當
父子之兵矣余當督兵于東南時凡諸營
伍中有憤懣久而未用者不使當前行以
其積氣太浮畏心漸掩不輕視其號令必
墮賊之計中故兵士惟恐其不勇人皆知
之而勇之過盛亦不可用則知之者鮮矣
善將者宜何如而練其心氣哉是不外身

率之道而已矣倡忠義之理每身先之以誠感誠又如嬰兒啞子飲食爲之通疾病爲之恤患難爲之處甘苦爲之同彼有情焉如嬰兒不能自通乎心如啞子不能自白於口善將者不待其心之發而先爲之所不待其口之出而預爲之謀諄諄諭以君父之義禍福之辨脩短之數死生之理使之習服忠義足以無忝所生其爲榮也利也如何世之情事有重於死者有甚于

生者必佐之以不時之賞斧鉞之威而行吾仁義于其中乃爲有本之用矣或謂常練之套果可用于臨敵否而真練賞罰精微之處亦在此否耶威子曰善練兵者必使其氣性活潑或逸而冗之或勞而息之俱無定格或相其意態察其動靜而搏節之故練手足號令易而練心膽氣難有形之練易而不練之練妙能練而使其氣性活潑必須收其心有所秉畏兢業又有練

之似者最爲練之害是故謹譁散野似性
氣活潑懈苦不振似心有兢業爲將者辨
此爲急知此可以語韜鈴之秘矣獵人養
鷹犬故小道也將無所似乎且夫好生惡
死恒人之情也爲將之術欲使人樂死而
惡生是拂人之情矣蓋中有生道在其間
衆人悉之而輕其死以倖其生非果于惡
生而必死也故所謂恩賞者不獨金帛之
惠之謂雖一言一動亦可以爲恩爲惠所

謂威罰者不獨刑杖之威之謂雖一語一
默亦可以爲威爲罰陳師鞠旅列衆于場
謂之操練人人知之矣殊不知教場操練
不過鳴金鼓號令習射打擊刺手藝之能
此等事不是在人家房門內院墻內做得
者故設教場操練之平時在各歇家若肯
心心在當兵起念一心以殺賊爲計蓄養
銳氣脩治軍裝講明法令通之以情結之
以心雖靜處閭閻亦謂之練乃真練也微

乎微乎妙不可測神乎神乎玄而又玄諉
之曰弓馬粗材武夫血氣之技烏乎可或
曰子用兵酷嗜節制遂至成效節制工夫
從何下手戚子曰東伍爲始教號令次之
器械次之微權重焉不能傳也當於經籍
中採其精華師以意而不泥實事中造其
知識衡於已而通變推而進之於真武直
取上乘孔子云我戰則克是已勿謂行伍
愚卒不可感通恃無才之小勇倖徂詐之

一中也

原感召夫無令之政不誅之威畫地而守不
賞而勸乃爲神武但貴賤異養尊卑異位
豈盡是智力威勢所能驅之哉然古今人
無賢智自王侯以至于庶人有同焉者昭
然而不昧也故曰民心之愚而神惟盡我
之所與行伍同者而行伍以同應之故立
得脚根定視水火而不辭其道宜如何誠
于平居之時實心愛之真如父子一家諄

淳以忠義感召之入操之時虚心公忿犯
必不救至親不私必信必果出征之日身
先士卒臨財之際均分義讓如此則無慾
無慾則剛明正直足以使人下卒雖愚昕
夕得于觀感積漬之久感於愛則愛君愛
將而身非所愛感于義則不忍後君後將
而先其所私感於禍福之辨則患難不足
恐而親上之志堅感於脩短死生之數則
水火存亡不足以奪其心故恩愛蓄於平

時奮氣發于臨用心威於信形威於法命
輕於威而油然莫知其使之者故萬人一
心心一而氣齊氣齊而萬人爲一死夫是
吾以一心之萬力而敵萬力之各心以一
死夫而拒彼萬生命孔曰教民七年孟曰
仁者無敵非得心而一其氣何以致此於
民哉故感通之神孟賁失其勇良平失其
智不疾而速不行而至民之可使赴湯蹈
火趨仁如水趨下謂非感召之効乎

原立信夫人無信不立而軍中之信猶如冬
之裘夏之葛不可一時缺者夫子曰去食
去兵不可去信自古皆有死民無信不立
當今之時天下之政載諸條例頒諸陳奏
充棟累牘集案盈几皆通變宜民致治之
言也朝行暮輟而曾無一補於治者不信
之故耳如今之官府告示張掛通衢大字
招揭可謂信令矣而舉目一看者誰何良
由官府不行督察之令小民習為故事如
此而雖日出以示何益哉苟着實舉而行
之如有司官一牧字有餘用矣兵中號令
更不可一字苟且凡集烏合之兵行伍既
就首閱體統以正軍禮軍禮不肅者有罰
軍禮既正在南則紀効新書隊各一本挨
次給習每入教場先令每隊中識字者一
人讀與衆聽日限若干抽兵考背大略不
必責以句讀每書聲徹場外至有兵人苦
之曰我輩能讀書必去考秀才不來當兵

矣此豈得已哉人心既苦則又從而解諭之使知當習之故如此人人知我之令矣然未必人人行我之令也於是再約以期挨次查其行否怠事者有罰歲月之餘習久信立人人知方是之謂節制之師是之謂人自為戰今人之談兵者却以不用節制野戰向敵人出已意謂之人自為戰謬矣謬矣是故行之而必察察之而必行操簡馭繁信於先而用於後故未戰而廟筭

勝者此也孫子以信居二吳子以果居中誠能着實用力於此二字庶幾節制之師思秦養兀你們本為立功名報効而集兵是殺賊的東西賊是殺百姓的東西百姓們豈是不要你們去殺賊官府豈是好為作踐輕視你們設使你們果肯殺賊平日守軍法不擾害地方在百姓如何不奉承在官府如何不愛重只是你們到箇地方百姓不過怕賊搶虜你們也曾搶虜百姓怕

賊焚燬你們也曾拆燬百姓怕賊殺你們要討功也曾殺他這百姓如何不閉門鎖戶而怨之凡你們當兵雖刮風下雨袖手高坐少不得行月二糧這銀米都是徵派地方百姓辦納來的你在家那箇不是耕種的百姓你肯思量在家種田時辦納的苦楚艱難即當思量今日兵糧容易得又不用你耕種擔作養了幾年不過望你一箇時辰一二陣殺勝你不肯殺賊保障

他養你何用就是軍法漏網天也假手於人定不放過騙食官糧之人也又官府爲爾糧餉千思百慮東那西處日日只見運糧運草及至有賊時却並不見你一人出力只是任賊縱橫官府如何不作踐如何不惡之我今不必深文奧意兵愚說來難省只比你們人家夜被鼠耗殘了飲食損了衣服誰不養猫日飼好食眠在牀榻裊褥之上無非要多捕老鼠以免殘損衣物

使有猫焉白日豢養安眠夜間又不捕鼠甚則復捕主人之雞竊壞飲食汙穢衣服爾輩心中何如有不擊猫弃猫者乎即如爾輩受糧餉有年臨時又不能殺賊甚至干撓法紀抗違軍令妄殺平人望塵敗奔朝廷斧鉞安得不用即一軍之需眼前糧餉若薄但將洪武年當軍祖父子孫笑到今日所費若干錢糧又如召募民兵日食軍士三四人之供有何積勞不思補報于天理

安乎於心忍乎自今法令平時必戒搔擾即未殺賊且圖兵民相安臨事軍法斷不姑息爾輩肯將天理人心體貼出來各加奮發一鼓赴敵何用軍令哉但爾輩勢不相軋心亦難一強者直前必亡弱者在後必生誰肯向前故必軍令以齊之軍法以攝之使強弱同奮萬人一心攻堅摧強無往不勝矣爾輩諛念軍法惟恐不嚴法嚴爾方心齊爾才殺得賊爾方得生爾當恪

紀功新書
卷之十一
十一
遵不當怨懟信我言一人可當十千人可
殺萬賊其時賞爾功加爾官職上司地方
無不喜爾方知受用好處若不我信臨陣
身被賊殺退回法所不免官府見你支領
錢糧攢眉恨惡地方怨你不肯安歇真是
駑錢糧之賊害家不捕鼠之猫天地雖大
無處容身爾其警戒

遵節制軍中惟有號令宋時虜稱岳忠武軍
曰撼山易撼岳家軍難夫軍士一人不過

一二百斤氣力如何比山難撼盖山是土
石分峙可以掘取鑽空而他處土石不來
相湊萬人百萬之力互相湊合援濟如何
撼得動若人各一心各是一箇身子即賊
一箇便可衝動古者義勇武安王今廟中
關王也生前曾獨馬單刀於萬衆中斬大
將顏良提其首而出正是顏良之兵人各
一心也或者又曰萬人要他一心此理之
當然但萬箇身合爲一箇身合爲百萬斤

力氣吾所不省也。戚子曰：試看凡擡巨石、大木、萬萬斤之重，用千餘人便能擡得來，蓋數千人雖是力在各人身上，而繩子扛子則可均在衆人身上也。如萬斤之物，諒用百人方舉，即以九十九人擡，亦不可起，只添一人便擡得起，豈九十九人不如一人哉？緣分量已定，即九十九人而不足，添一人而有餘，若分量內擡不起，便如何勉強不可得也。夫添一人百斤之力，安能遍分與九十九人各一斤，只添此百斤便使九十九人皆得擡起，耶？全是繩子扛子均到各人身上，一斤一兩亦不差錯。偏重兵法曰：勝兵以鎰稱，銖敗兵以銖稱。鎰如今操練的賞罰號令、節制規矩、連坐之法，都是擡石木的繩扛一樣，人人遵守號令，重如性命，死便就死，不敢違令，死于賊手，尚有優恤，立廟祭祀。干犯軍法，被其斬首，空喪性命，又無前項許多恩典，人人只得揀

着好處死且與賊對敵固恐殺死所以怕他却不想見賊敗走被賊追來却也是死走在水裏不免淹死山上跳下不免跌死但愚衆不怕死只是怕賊若將走死的念頭肯向前與賊廝殺殺他一箇做箇好漢死也報得吾仇自然萬人一心萬人一力况尋常與人爭競一句一言都要報復却被賊殺來不肯動手一對情愿低頭聽殺不想我若殺死賊賊必不能又會殺我有

功生還

朝廷錄功上司賞功登時富貴何等之好緣愚人明知故違所謂天堂有路不要往地獄無門自撞入思之思之今日決要比岳家軍又如一株大木一塊大石繩子扛子不拘千萬人同擡都要壓倒肩上來此只看臨陣連坐法便是斷然不准你們人各異心如往年兒戲也

信口耳發號施令預先決定不可臨時反覆

使三軍疑惑損其膽氣故云將無還令兀
應行軍務係有文字事緩者通行揭示若
值緊急軍機雖有文字抄示不及者大將
各將門上掌號笛各偏裨傳帶頭目自百
總以上赴聽面諭如職位相等則尊其老
成年長者一人主之各同僚中軍千把百
旗總以上俱赴共相會計遵守夫大將一
人耳官兵或數萬或十數萬一句說話如
何傳得遍知故兀出號令只傳偏裨偏裨
只傳中軍把總把總只傳哨官哨官只傳
旗總旗總只傳隊長隊長口授軍兵而止
須要傳說明白叮嚀熟記若一時聽記不
全還挨次再問所傳之人若都問不明再
問主將不許攙越推挨若有不傳不遵傳
說不明或忘記不來再問以致悞事者軍
法重治干係偏裨者事小則治其中軍官
其告示文字之類亦要挨次抄傳互相字
字說明但各抄傳各人事體相干者若不

相干者不必通抄恐煩費工力故也有一
字依一字不許增減及別添禍福之說每
傳畢差巡視旗於街上或歇家喚二三箇
軍兵來問知則賞之不知照不知條內查
治所由

申約束凡兵在家生有父母教有師長戶有
戶長里有里長老人你們思量那箇做百
姓的少得這內一件你今既來當兵伍長
就是你的戶長隊長就是你的里長旗總

就是你的老人哨官把總就是你的父母
但能教導你們的號令武藝者都是你的
師傅你再思量世間有不服里長老人管
的百姓否就知在軍中有無隊旗總管的
兵否有不事父母的子孫否就知在軍中
有無哨官把總管的兵否世間有不用師
長教訓天生會識字念文的人否就知在
軍中有無不聽教師將領訓練的兵否這
都是就你心上少不得的去處曉諭你若

抗違哨隊長比做百姓抗違里老的法度
不同不聽教師將令習藝操練比做童蒙
時不聽師訓的法度與平日牧民的法度
不同網打尚是小事重便割去頭再可復
長否此諄諄真正化誨你若不聽軍法無
情慎之慎之

習正毅只緣平時將場操視為虛套號令金
鼓走陣下營別是一樣家數器技舞跳擊
打都是面前好看花法之類及至臨陣全
然不同却要真正搏擊近肉分鎗如何得
勝又如平日只用短小竹箭臨時射大箭
高下如何得中大砲平日不演習臨時遠
近如何着准求中又如火箭平日不舉放
過臨時或發太高或落近安得實用便晝
夜在教場不歇手習一不合式徒費勞苦
還是不習一般若是平日教場所操練金
鼓號令行伍營陣器技手藝一一都是臨
陣相同件件都是對大敵實用之毅便學

一日有一日受用學一件有一件助膽所謂藝高人膽大也學則便熟不學便生學的便會殺賊保得自己性命立得功不學的便被賊殺你們知道這箇緣故豈肯不學今兀教場內行一令舉一號立一旗排一陣練一技學一藝都是臨陣時用的實事臨陣用不得的今便不操不是臨陣實用的器械不造與你領不是臨陣實用的舞打之法不使你學兩長相對惟有法者勝兩法相同惟有膽者勝鴛鴦陣長短相差各無所利矣到彼時實行出實用出爾官軍方信

詳責成凡責成之例不拘平時對陣小而一切號令有違作奸犯科大而退縮致悞軍機管五名以上者一名有犯必連坐之管二十名以上者二名有犯必連坐之管六十名以上者六名有犯必連坐之管百名以上者十名有犯必連坐之管五百名以

上者五十名有犯必連坐之管三把以上者一百五十名有犯必連坐之一萬名者五百名有犯必連坐之若先呈舉者免坐至于賞亦如之又一法如一伍內二人犯連坐伍長三人犯伍長同罪一隊內二伍各有犯連坐隊長六人犯隊長同罪一旗內三隊俱有一人犯令連坐旗總十八名犯旗總同罪一哨內三旗總下俱有一人犯連坐哨官五十名犯哨官同罪一司內五哨官下各旗下各隊俱有一人犯連坐把總官二百五十名犯把總同罪餘倣此爲例若逃走奸盜等事不詰首疾病患難不報官專罪隊總與同隊甲兵器械損壞不光足專罪旗總武藝不精習專罪百總號令不明通專罪把總所謂專者特於此等人加重也非是只罪此項人員而所犯者便不相干

守軍禮中軍把總見本營主將披執叩頭兩

跪一揖合營主將亦如之迎送跪路別營
主將官銜拜帖角門庭參兩跪一揖後堂
傍坐待茶兀名色把總見本營中軍平時
揖而不跪入營奉臺上發放則跪而聽之
私諭則旁立受教途遇下馬拱立遇合營
中軍待如本營禮中軍加以優待路迎從
便遇別營中軍讓道立馬候過隊總之于
旗總旗總之于哨官平時與教場俱照兵
士之于隊總其途遇本管俱下馬倘見遲
下馬稍誤不必加罪但終于下馬即已非
所管者道傍策趨不許抗禮又任地方哨
官以上冠帶旗總義士青一撒隊長青布
衫繫縹把總之待哨官哨官之待哨隊長
哨隊長之待兵許以鄉情從便但須側坐
不許齊肩並列雖下至隊長與兵亦然凡
進操及征調在外與凡掌號笛發放總哨
官即戎裝錦繡旗隊長各小袖依方色戎
衣執旗俱以軍容承接定要遵守諺云軍

中立草爲標一字一言出口就是軍令更易不得雖卑如隊長所管數人既知惡屬下數人抗違不能行事即知己身不可又效屬下之人復抗在上頭目夫軍機乃國家重務情難掩法敢有親識相容故違明抗容者犯者通以軍法重治

正名法行伍既定軍士與旗隊總同宿歇一房者立則旁立坐則旁坐同榻亦有尊卑所睡床炕不拘方向飲食之際軍士候旗隊總旗隊總務先取其次者以成揖讓之風凡有當行事體軍士務聽旗隊言語不許抗違如旗隊總有過集本旗并一旗之人合辭諫止不聽再諫三諫不聽稟百總知若因諫正旗隊總既不知過又計害軍士以圖報復者軍士避之不可與爭只赴百總處告知百總亦曉諭旗隊總知過再不知過若與軍挾怨者送把總處治若軍士有小過旗隊總即時口責三次不聽先

將令書供在卓上無卓則懸于壁或懸于
竹木命犯兵跪旗隊總立傍云你這箇人
所爲今對號令某一款所犯相同我念同
歇處恕你一次二次你竟不改今照令書
處治多不過五棍不服者徑赴本管將官
處以軍法細打遊營凡軍士與不係本管
旗隊總同歇與本管同一切行事皆同責
成旗隊總亦同親管其同隊同旗之總不
在同居者亦要常川覺察如得其情亦喚
到歇處如上項條約施行

禁驀越隊總旗總文移只至總哨總哨文移
只至營將營將先至大將不許擅于都會
知己說人是非逞已功勞如有驀越各上
司徑行者查究叅治甚或有仍前結交內
外私寫揭帖有所傾害人遇調發臨敵騰
布功罪者訪出定行重治明有天道幽有
鬼神決不佑此奸心險行之徒

稽功過各營將立功過總簿一扇每司各與

一扇凡遇百旗隊總及兵夫尋常勤勞譬如多差他行了幾十里多差他幹了一件事紀在功條一次與人言語之爭不至軍法處者紀在過條一次兵之功過隊旗總開送百總轉送把總記之凡百把總與中軍家丁夜不收雜流功過俱管將記之附于總簿每積一季聽吊查一次類行賞罰

禁二令凡軍中有大將有主將大將乃一鎮第一尊重無二者所謂四無三不制其人也在軍中見居尊者則年尊勞久同僚夙所推遜平日見官在前者即是稍次者如大將在事而副將以下主將在事而僚佐以下副將以下非副總兵乃一時同事位

改易旌旗軍號者重治若號令未便湏合改易者先申主將定奪

原群藝夫旗鼓營陣等皆謂之群藝群藝不習如手足痿痺五官病廢尚可以為人乎旗鼓不明是為浪戰小陣不整節制何居申軍紀凡設將兵彌盜安民乃其分也不思軍士為立功免罪報

紀效新書
主庇民之本或指科歛侵其正餉或以私物給
削膏脂或役其氣力以供工作專為肥身
潤家之計又以其不義之資結為三窟不
與士伍同甘苦全無愛養之心又有一等
才力不支每事因循軍務廢弛委靡虛度
雖無大過均為誤國偏裨有犯大將以軍
法治之材官有犯偏裨治之以軍法仍盡
法追贓科歛太甚邊海有明例也如大小
將領人員能汰老弱去怯懦肅軍紀嚴節
制實行伍申恩威精教練鼓敵氣使人人
用命萬衆一心大將必超格禮敬優加揄
揚愿為執鞭推轂夫

國制時規兵有數糧有額難以冗增管兵官
即有一兵一夫必須使合軍紀轉弱為強
化無用為有用庶緩急足恃此非空言日
日行來自見

公賞罰凡賞罰軍中要柄如該賞者即與將
領有舊讐新怨亦要錄賞患難亦須扶持

紀交宗書
如犯軍令便是親子姪亦要依法施行決
不許報施恩讐有此者以其所報之罪加
等坐之

達士情軍士若有公事私事緊急欲訴本管
者先于旗隊總言之徑赴該把總哨官處
門上即時放入不許攔阻執辱可自處斷
者即行處斷不可自專或力不能斷者即
親身領赴營將處稟行如不遵行或自尊
大不納兵入稟訴者或被訪出或問本人
得知定將該管官記過類論主將亦於每
日辰起時後堂裁酌軍務事竣先敲板門
外吹打一通以便人員伺候即小開門凡
我兵士有機密軍務身家事情徑赴後堂
聽其面盡當如家人父子一般把門人不
許攔阻惟濫放奸細混入及囑托星相歌
唱等役及非本鎮人員一體重治以上應
酬畢陞堂投文午後于後堂發先一日批
文中軍給散一切差使投稟人等聽行放

進如有緊急邊報賊情及兵中事情許不時擊鼓傳入

循士愍主將常察士卒饑飽勞逸強弱勇怯材技動靜之情使之依如父母則和氣生氣和則心齊兵雖百萬驅如一人一任行我嚴法矣

戢濫差凡軍稱曰軍士戰士力士勇士義士士卒夫必稱曰士者所以貴之也

朝廷之命名貴士如此望其出力疆場衛國保

民其責非輕今却使之為輜夫廝役以廝役待士而欲出其死力捐命禦寇有是理哉緣往日責實未至習弊成痼恣人占用迎送上司無不安然順承只恐結下怨恨陰為訾害未思將軍馬累損復失其心萬一有事不能戰禦利害在誰即使平日執持得罪於人比敗軍失守之罪孰重况主客將領既定有雜流以供差用復以何辭擅役伍軍如有私情應迎送者准於雜流

內差撥編定戰兵除教閱外務令休息不
得以無要緊事勞擾軍士即用一人如勞
自己一般行禁之後若仍擅行差使迎送
之類各以責成款內分數治罪副參遊守
把等官除正額應用人役外凡守墩遠哨
守口水陸行伍軍兵一名不許擅行佔用
凡各處公差人到亦不許擅作威福強取
跟用應置差簿一扇其不該輪差者俱不
必開只將實在應該輪差軍士逐名一字
平列開在冊內馬軍另為一簿該營自置
票板一方印刷差票發各中軍把總收候
凡差一軍必須填票一張明註為某事見
差某人票收軍人之手差註該簿之內每
半年查比外仍聽不時調票查對如票有
而冊無或票無而冊有者俱係將領私用
及賣放之弊並不准作數其軍士買票者
定從重懲治補差如填公差而却私用者
許各軍即時將票赴臨近司道陳告一面

聽查定將填票官識重治本告免差半年
體初犯官兵除犯行營野營對陣軍機及謀
逆殺人奸淫詐盜賭博等項重情不論初
犯二犯必照軍法行外其餘一切小過并
違犯新出號令係平時操習者初犯免究
二犯紀過于簿三犯方網打

恤病傷凡軍士有疾病同火房即報本管隊
長隊長報旗總驗過即報百總徑赴本營
主將報知遣醫診看病形輕重聽醫官報

在營將營將開來簡易草摺手本差人即
刻直達大將又百總一面再報該管把總
知會所以百總即報主將者蓋病人偶感
立待救濟疾病治之于初發時為力易若
循資挨報七八處衙門何時報達得遍也
凡報病者不論大小衙門啟閉冗暇即時
投入如有把門人阻攔及將官施行遲誤
者罪坐所由報病遲過一日者罪坐報遲
之官若因遲報致病兵身死者究其遲誤

紀效新書
卷之十一
之人以軍法凡病兵隊總則日日視旗總
則兩日視百總則三日視把總則五日視
營將每十日視主將大將惟視病重者先
裹藥資面授之

分軍餉軍士月糧賞賜出先將數報知即時
委官并請主將委官監鑿包封先刻印板
一方上書某月糧額該若干每人以一分
為耗委官某人鑿定限完報請主將下教
場或在衙門通候軍士集到唱名給與先
取一封秤兌如一封不足則所包諸封盡
行算數倍償治罪軍士已散到手過三日
後若復情愿送人者另有科斂需索條不
許扯引侵尅內如未散到手而本管官私
尅並不稟鑿包封而徑散者通坐以邊海
錢糧論許本屬軍士及屬官告治此不坐
犯上之罪若係責比武藝督治愆過因而
懷恨或係刁誣定以軍法從事
立逃約若遇逃走同隊之人各連坐以一半

送監一半保拿革去月糧一年不獲原保人發哨三年本伍軍發落收伍支半糧獲日乃復

補軍限凡遇事故頂補每月二十日呈送驗發以便次月初一日起糧

擬捕鞠各營官軍有犯人不同營事則同起者不許擅自拘捕問理須呈本營將官轉行彼營取來仍令各中軍官會問通詳大將定奪不許一營偏斷

明勾攝軍衛有司提取官軍一面留差人等候一面呈請主將酌量事勢緩急事體輕重摘發收問如不詳請而擅聽拘去者同隊同火該管官員把總以下通治以罪若已呈詳而本哨總司不為留人及轉詳遲延者拿書手治罪若差人強拿不由分說者先將此令與看說之不聽一面拘守一面飛報主將收監定以打攪軍令阻撓練兵參治

嚴途令凡軍士路遇文武大小官俱下馬讓道若在營中操練奉令鼓號令者一惟號令是聽不必迴避

勸涵忍他人索我爭鬪就是他人理短亦好
好避他稟赴本管轉達應諛上司定與處分得平若與爭競縱是軍士十分理長先打軍士不忍之故然後另與審處若所到地方居民人家爭競者不論曲直只將軍士先行細打二十然後發有司剖斷

禁竊盜自相竊盜不計物多少在軍中以軍法從事非出軍臨陣自有常法

禁博奕凡軍中除習武藝為戲不禁若將條約隨俗改為唱曲習學以代戲樂者有賞凡別項博戲俱皆禁之違者照條治

禁乖議凡將領官哨隊長不相和協傾陷妬忌因而悞事者軍法處之商議兵機務在平允即時決定違與執拗者處治

戒居常同夥住歇兵士入晚則安眠靜睡以

養精神不許枕上嘔吟唱曲以耗精神勾
惹淫念鼓惑鄉思仍輪流喂馬務要勤起
添草白晝早起梳洗畢各團聚一處將所
給號令逐款聽一識字人講說一遍早飯
畢各出當差放馬買賣等事午間休息或
坐或睡務在安閑日西各於便處習學武
藝或學弓馬至昏而止每半月一次將自
己器械應磨光者磨光脩利者脩利以上
俱該管隊長旗總督率行事百總於磨器
之日一查

原分數凡軍中事務今以二十分拆之以見
輕重軍體居一十分之二次第連坐之法
居二十分之二賞而當居二十分之三罰
而當居二十分之三糧賞得實惠居二十
分之二明號令居二十分之二利軍火器
居二十分之一營陣得法居二十分之一
將勇兵精居二十分之一此皆練士之節
也仍有三分則在使站得脚根定耳以前

十七分皆為站得脚根之一事所謂三分者實心任事至誠馭下同其苦恤其私以感召為工夫使三軍心服恩威信於平日必至殺之而不怨利之而不庸兵法所云令民與上同意論語云有勇知方孟子云可使執梃以撻秦楚之堅甲利兵其庶幾乎矣乎

